

地理全志

上篇
亞墨利加志

四

ル 2
168
4




168
4

東京專門
學校圖書


東京專門
學校圖書

亞墨利加志

東京專門
學校圖書



亞墨利加洲之部三



京

地理全志卷之四

亞墨利加州全志

亞墨利加為地球之西土與東土三州不相聯絡內分南北二境中祇一綫相連水道支流不一地有肥瘠物阜民繁氣候殊異特詳於左

文論

州內緯線自赤道南五十四度起至赤道北七十四度止經線自中華北京偏東七十五度起至偏西百五十一度止

州內東至大西洋西界大平洋南連南冰洋北枕北冰

界

位

地理全志卷之四

洋。

州內長三萬一千里。廣或一万里。或一百里。總計之方北境二千六百三十万里。南境二千三十五万里。

質論

州內山嶺衆多。北境曰塞拉尼瓦大。在加利福尼。落機絡繹。西偏塞拉威德。馬德拉。皆在墨西哥。亞利俺尼在東方。南境曰安的斯。綿亘西方。為山之最大者。巴利米在委內瑞。辣巴西等山。次之。州內火山凡八十六。島二十八。逶迤以西。在西境之間。居多。別為詳明於後。州內高原。北境有加利福尼。墨西哥。危地馬拉。南境有

廣

山

原

隅 角

得薩瓜得羅。基多。布各搭。至于平野廣大。南境有荷里諾哥。亞馬孫。巴拉他。河濱。北境自亞利俺尼山。至落機山。其地雨時。花草芬菲。禽獸充斥。旱時炎熱。田土燥瘠。至于荒郊沙磧。北境在米利堅平野之西。加利福尼北。南境在拉巴拉他。玻里非。巴他。我尼居多。越州外。州邊海隅。北境有臘不拉多。新蘓格蘭。佛羅里達。于加單。在東加里福尼亞。臘斯加。在西。州內之角。北境曰法威爾。在噠屬之南。查德累。在臘不拉多之北。色比。在佛羅里達西南。加多支。在于加單東。北。盧加斯。在加里福尼之南。威里士。在白令峽之極西。

嶋

北巴羅在峨屬州之極北南境曰羅克巴郎可在巴西之東安多尼馬利在拉他之南與北非羅瓦在巴他峨尼之南合尼在州之極南州外島嶼北境曰北冰洋群島亞律森在峨屬西南萬古福在英屬之西新蘇格蘭新著大島在英屬之東西印度群嶋在南北境之中南境曰發哥蘭錢府依勾在州之極南

灣海

州外之海一名加里比海在南北境之中州濱灣之最者北境曰巴芬蘭加斯的普地亞皆在東北哈德孫在英屬之中勞梭索在英屬之東佛勒里達

此

峽

河

墨西哥堪比支閔都拉皆在南方哥西布諾敦在峨屬西北沙羅德在英屬之西加里福尼在墨西哥之西南境之北曰大利俺馬拉該波疴勒諾哥河口亞馬孫河口東南曰拉不拉他河口西北曰巴拿馬瓜牙幾州屬海峽不一北境之北東有大比在巴芬灣大西洋之間哈德孫在哈德孫灣大西洋之間北勒利在臘不拉多新著大島之間南有佛勒里達在佛勒里達之南西北有白令在亞西亞亞墨利加之間南境之南有麥折論在巴他裁尼錢府依勾島之間州內河道紛歧其至長者北境之東曰勞梭索流入勞

地理全志

卷之四

稜索灣南有密士失必流入墨西哥灣北有馬更些哥比明皆流入北冰洋西有哥羅拉多流入加里福尼灣南境之北有馬達勒那流入加利比海荷勒諾哥亞馬孫多干定東有方濟各拉不拉他尼哥皆流大西洋州內之湖北境有蘇卑略米齊安休倫尼利安達略皆在英屬米利堅之間大熊奴湖維尼八皆在英屬尼加拉瓜在尼加拉瓜南境有低低加在玻里非馬拉該波在委內瑞拉

地氣

州內氣候互異極北嚴寒同于亞西亞之北境迤南漸溫與中國節候相等再南當赤道之下溽暑如蒸然較

湖

之阿非利加炎威稍減且少瘴氣迤南漸覺溫和再南寒冽如北境極南近南黑道冰雪常封人畜絕跡州內寶藏甲於天下有鑽石寶玉五金水銀煤鹹等指不勝俚其所產之地另詳各出之處分摺註明

地寶

州內草木昔時五穀僅有黍稷木則松柏槐楊干霄蔽

草木

白奇花異卉芬芳襲人近自歐羅巴移種甘蔗葡萄橙柑加非胡椒芋薯之類無不繁碩煙葉棉花獲利尤大藥材顏料香品極多又興蠶桑之法出產雖不同而收成之日所獲倍蓰他州莫能頡頏也

生物

州內舊無牛羊馬豕貓自歐羅巴遷徙於此今則蹄角

遍地。至於野禽，火鷄為首。次則有鳥，名為無對，羽毛華彩，聲音宛轉。鸚鵡、鴻雁，隨在翱翔。又產異鳥，在河濱林樹之間。野獸有麋、鹿、獐、熊、豺、狼、虎、豹、羚羊、水獺、狢、猢、猻、猴、鼯、鼪、海驃、灰鼠、銀鼠、貂、騶，無不充斥。鱗介昆蟲，無不蕃衍。有鱷、魚、木、勺、鮪、巨蛇、大龜、鯨魚、海狗、蟾、蜍、壁、席、蛤、蚧、諸族，其餘凶禽、猛獸、毒蟲、惡蛇，更盛於他州也。

政論

州內人民統計五千萬口，分為四種：一曰白人，皆自歐羅巴遷至，有二千八百万口；一曰黑奴，有六百万口；一曰土人，有九百万口；一曰雜人，乃黑白人嫁娶所生，有

口戶

門教

吏

七百万口。古來土民多崇異教，自歐人遷至，化導斯民，耶蘇天主教始得遍行其地。

內州太古之時，荒遠難稽。惟自墨西哥迤南諸部訪之，尚存古蹟。攷其肇造之初，尚近禮儀，頗似亞西亞東南。規制以是觀之，大都州內之民，自其地遷來者，日漸衰微。至今野番雜處，風俗墮敗，面色紫紅不一，漁獵為業。明時歐之西班牙人，尋新地，抵群島，知有亞墨利加、墨西哥等處，廣大富饒，率兵取之。以次蠶食，西南各部，西班牙流市雜居，鑿山開鑛，以此致富。葡萄牙海舶至巴

西見其土曠。徙國人開墾。佛英二國亦相繼尋至。佛據南北。英據其中。荷蘭連日之人亦來墾闢。後多為大英所併。由是北境英得。其東與北。西得其西南。乾隆時。米利堅人叛英。僅餘北境之土。嘉慶時。墨西哥諸部叛西班牙。葡萄牙子留王巴西國之貴人相助為理。歷傳已久。由是別為海西大國。不屬於葡。是以此時州之南北兩境。惟英人據北地廣土。餘皆擁地自擅。不受歐羅巴約束。

網朝

州內諸國朝綱多係民牧統轄。不設君位。或鄉耆推薦。公同選擇。或數年一易。或歷代相傳。其屬國亦与他州

燕文

兼轄之地。同至某國法制若何。詳註於後。
州內文學技藝。大與歐羅巴同。蓋自明以來。西洋人遷徙。開墾而居之。生齒日繁。薰陶漸染。于是文學堪嘉。技精藝巧。然推米利堅為首。其餘則次之。

國

州內地分南北二境。北曰峨羅斯。屬連國。屬大英屬。米利堅。墨西哥。南北之中。曰瓜地馬拉。閔都拉。尼加拉瓜。哥斯得里加。于加單。英之閔都拉斯。莫斯及多地。西印度島。南曰新加拉。那大厄瓜多。委內瑞拉。至阿那。巴西。秘魯。玻里維。巴拉圭。巴拉他。烏拉乖。智利。巴他。我尼。

俄羅斯亞墨利加志

我屬地在亞墨利加西北緯線自赤道北五十四度起至七十二度止經線自中華北京偏東七十七度起至百有三度止東至大英屬西界白令海峽西南接太平洋北枕北冰洋長四千里廣三千六百里總計之方百七十七萬里戶口六萬其地与亞西亞我之東隅僅隔海港五十里崇崖峻嶺人跡罕至港澳廻環土多不毛間有耕種

民人肥短頭大面濶鼻準如鈎各刺鼻唇嵌飾珠寶穴地而居覆以泥土每一穴人一百餘儼若村落山居者以畋濱海者以漁俗剛柔不等然馴良勤敏無獷狂之

習工作技藝平庸

至於朝綱道光五年峨跨而得之

其建部落分九省餘皆島嶼最大者亞律森總計之方三萬五千里戶口一萬內有火山吐酸不息哥的咯維里斯阿彌拉港汶分歧失德加於此峨新闢一區曰新阿干日貿易日盛土產魚毛皮

連國亞墨利加志

連屬在北亞墨利加之東北名哥里蘭東北大西洋西南巴芬海灣大比海峽北枕北冰洋西南長四千里東北未詳廣約三千里戶口七千氣候寒時居多冬則日不出星

不隱常見冰雪。暑天甚少。夏則永不見夜。炎熇非常。歐羅巴人有釣船百餘。捕長鯨。取其油骨。獵得海犬。剝其皮為衣。土壤磽瘠。水泉洶湧。草木稀少。地常震動。有電不聞其聲。土人漁獵為生。噠之耶穌教師來宣教化。

地分南北。哥里蘭內建部落。南有如列安沙。為首城北。有厄日民德連。設總督駐劄于此。土產無幾。

大英亞墨利加志

大英屬地在亞墨利加之北。緯線自赤道北四十五度起。至七十八度止。經線自中華偏東百有三度起。至偏西百六十八度止。東趾大西洋。西界太平洋。義羅斯屬南連米

利堅國。北至北冰洋。長六千八百里。廣一万里。總計之方八百五十万里。其地山嶺參差。環於西方。餘則平坦廣大。河湖支派甚雜。河曰奈爾孫。勞稜索馬。更些湖。曰穩卑畧。伊釐休倫。安達畧。大熊奴湖。氣候迤北嚴寒。荒郊曠野。冰雪凝積。其地不毛。迤南稍覺溫和。夏天酷熱。樹木稠密。毛蟲所居。商客貿易。頗為繁盛。或獵獸以鬻皮。或漁海而得魚。或入林以伐木。投河順流。達於海港。或造船。或販鬻。居民種類不一。或土人部落甚多。有者生番。有者漸進教化。皆漁獵為業。或佛蘭西之苗裔。或英吉利所徙之人。其技藝精巧。仍與本國相同。奉耶穌天主等教。

至于朝綱北亞墨利加全土古時不通別國明時歐羅巴人探得其地自米利堅北首為佛朗西壑關英人得米利堅地遂以兵爭北土血戰八年佛兵敗而棄之英遂收而有焉乾隆時米利堅諸部叛英惟北土用英例稅額甚輕其民未叛仍為英轄英以總督駐劄各省又有大員卿臣管理政事

地分七省一曰東加拿他河水滌洄迅流急湍不能截止即支瀾內千有餘州忽而江湖之水滙集急流抵岸白浪掀天忽而涸落數十丈令人驚駭戶口百五十萬其中佛朗西苗裔居多間有英人遷徙處此開墾荒地往往致富

其會城曰貴北城池堅固屋宇峻麗又有城曰孟的里奧港汊頗多帆檣雲集一曰西加拿他會城曰多倫多英之總督在此駐劄另有副官會議為英屬之省會英人遷處于此居多為商為農辛勤致富產銅最良甲于列邦又曰金斯敦城極鞏固火輪船在海中迅如飛駛輓轡之車相接于路一曰新蘓格蘭三面臨海僅一隅地附有不里敦島產銅鍊煤石膏富庶海魚樹木繁多戶口二十萬民皆安今會城曰哈勒法屋宇峻麗有大埔頭英火輪船過洋十日而至又兵船商船往來停泊之所英設大員駐劄衙署華煥另有副官會議一曰新不倫瑞沿海港汊深穩船

艘不虞涉淺。土壤膏腴。戶口二十一万。民不務耕。惟入林伐木。俟春水已長。順流出港。貨得價值。沽酒行樂。日在醉鄉。費盡而歸。仍理故業。大城邑皆沿水濱。會城曰弗勒德敦。英有大員駐此。另有副官會議海口曰散約翰。最大埔頭。一曰勃遏德瓦島。為老兵移住之地。戶口六万。專事耕種。麥穀甚饒。隣邦匱乏。往往取資於此。會城曰加羅敦。英官駐此。別有群臣會議。一曰新著大島。戶口十万。沿海峭壁。巖巖霧露。迷離魚鼈。相聚成藪。夏時漁船如蟻。網罟蔽于海面。土壤澤淤膏腴。亦有荒郊。不事稼穡。惟種荷蘭薯。與蔬菜。而不播五穀。產蛇熊鹿狗。其狗甚馴。居民富裕。會

城曰散約翰。為大埔頭。英設大員駐劄。會議群臣。其西北曰臘不拉多。平原荒野。天氣嚴寒。終歲積雪。專以獵皮網魚為業。向為日耳曼之耶穌教師居處。今歸新著大嶋之英官。又有哈德孫會土。總計之。方七百万里。生齒稀少。中分部落。不相連屬。公會使人設立營市。以獸皮與土人貿易。中有海灣。漁舟蟻集。得魚載往英吉利。其西沿海二島。一名加羅德島。一名万古福島。英吉利跨而得之。為公會地。

北冰洋羣島。氣候陰凝。土多不毛。流星北曉。時常在目。冬臘兩月。日不見星。不隱人畜。皆蟄伏。五六兩月。長晝不見

夜

英吉利先探此地。究無裨益。土人甚稀。捕魚為糧。衣海狗皮。穴地而居。冬時晝夜燃魚油為燭。海產鯨魚。英人有鯨船百餘。冬月冰結。夏時冰釋。船遂往來海面。得鯨魚與骨。皆獲重價。得海犬海豕。則取其皮油。捕鯨最險。或冰觸舟碎。或鯨掀舟沒。良可畏也。

土產銅、鐵、煤、石膏、木、獸皮、鯨魚、海狗等。

米利堅合衆部志

米利堅又名花旗。在北亞墨利加之中。緯線自赤道北二十五度起。至四十九度止。經線自中華北京偏東百有九

度起。至偏西百七十三度止。東界大西洋。西至太平洋。南連墨西哥海灣。北接大英屬地。東西七千里。南北五千里。總計之。方一千零七十萬里。戶口二千五百萬。其地東北峻嶺修亘。西則山脊高聳。斷續隱現。前後中央。平坦廣大。草卉芴菲。間有沙漠之區。河流淤塞。隨在疏鑿。河湖滌洄。河之大者。曰彌梭里。呵海。呵皆流于彌士。西北入海灣。往來舟楫最盛。加拿他南湖之外。又有湖泊衆多。氣候和正。與中華同。迤北似塞北。迤南似江浙。土壤膏腴。五穀皆宜。棉花良多。蔬菜果實皆備。烟葉極佳。樹木紛繁。橡木作船。作柱甚美。楓樹高茂。汁甘可以煎糖。樺樹尤壯。觀瞻其

皮可代瓦蓋屋作舫渡河蠶桑亦蕃其餘飛潛動植魚蟲鳥獸無不畢具

東境居民技藝工作最精造火輪車船凡陸路通衢之地多用鍊汁冶成四通八達以利火輪車之行紡織製造器具均用水火之氣激機運動不資人力丹青精巧商賈舟車輻輳往來舉國多奉耶穌教好講學業遍設耶穌殿堂刊文勸世又有濟貧院育孤館瘋癲館義學歲支修舖衣履造就人才外更有授醫館法律館經典館教人知醫通曉法律博覽經典通各國言語近復益增知識研究天文地理術數設有學館書籍富庶人材

輩出言語文字与大英同曰其地無往不利以故歐羅巴人流寓于此英人居多士農工賈各職其事南方黑奴後裔盡地授田不準遷徙土人生番面色紅紫漁獵劫掠昔則種類紛繁藩衍多部今漸稀踈皆處西方不容紊越所奉耶穌正教之外亦有天主教各等異端無所禁之

至于朝綱不設君位古時野番散居無可稽考明時大英侵州之北地驅土番據膏腴之土徙英人實其地趨之如水赴壑佛荷連瑞日墨等國無業游民亦航海歸之日漸開墾遂成沃壤英以大臣居守遍置城邑催稅

以益國用繁盛日增驟致富強乾隆中英與佛構兵連年不解百方括餉稅額倍加米利堅人不能堪欲與大臣相議酌斟而督征愈苛猛乾隆四十年紳耆聚公局舉兵拒英有米人華盛頓者為英武職所向克捷時沒其功不錄謝病歸杜門不出至是眾既叛英推之為帥血戰八載屢蹶屢奮頓志氣不衰而英師頽喪佛朗西又舉師渡海與頓夾攻英軍西班牙荷蘭亦勒兵勸和英不能支遂與頓盟畫界為隣國北土屬英南土歸米頓既定國謝兵權歸里眾堅推立為國王頓乃與眾議曰得國而傳子孫私也牧民之任宜推有德者為之仍

各部之舊分違為部每部一正首領一副首領或數副首領會議管理政事各部之中又推一總統領督管各部政事均以四年為任滿亦有一年二年一易者賢則留之復任至八年不準再留如首領任滿則推副者為正副或不協人望則別行推揮鄉邑之長各以所推書姓名投匭中畢則啟匭視所推獨多者立之或官吏或庶民不拘資格退位之統領依然庶民其總統領推擇之法與推擇各部首領全但推擇總統領皆由東部西部不與焉凡公選公舉權不由上而由下會盟戰伐之事升調革降則推總領為主各部皆聽命焉事必會議

而後定決支放言行每年均出示于衆如例所禁總領亦不敢犯之開部十餘年總領凡十三人初建時止十三部後歸附分析共成三十一部衆部之外已益六土一則總領所居其城餘則生齒不至定數故未進諸部之內

哥倫比乃合衆部之一土也在波多墨河濱因華盛頓建以其名為都城乾隆六十年創築河道通達街衢濶大車馬絡繹園囿新奇有議事堂飾以白堊文武衛署書院殿堂其外通國分南北西中四土其北者又名新英分六部曰緬會城奧古斯大新罕什會城公哥突洼望會城望比

釐麻薩未色會城波士敦衆部之第三城又為大埔頭商船雲集百貨闐溢羅德島幅員最小無高山瀑布不能水磨穀建于海濱曠地建高樓置風車藉風動輪磨穀會城波羅威頓士千尼底克會城有哈得富紐哈芬學館為諸部之最又有教啞與聾者以手指代言語諸部皆倣此焉中土分五部曰新約克繁華富庶為諸部之最海口亦以此名外通海港為通國第一埔頭會城阿比尼新日西會城特連頓濱西洼尼海口費拉地費外通海港洋船可抵城下為第二埔頭又有城比的波鍊礦蒼萃特拉華會城多發馬理蘭會城阿那波里又有海口霸地磨為商賈往

來之要道南土分為六部曰勿吉尼幅員廣濶為諸部最
河渠交結東方濱海會城里是滿北加羅里那河道紛歧
烟瘴侵厲會城喇里南加羅里那會城個倫備若耳治會
城靡里沿海口渣耳敦為東南大埔頭

其地舊為土番部所居米人于道光十五年買得此土
土人遂遷于西

佛勒里達在極東南隅地形如拇指斜伸入海會城達拉
哈西

其地為西班牙所據因劫米利堅貨船遂以此地償之
土番初未全服時與居民格鬥近被遷居于西

阿拉巴麻會城磨庇理為南方大埔頭西土分十四部曰
倭海呵會城戈倫堡密執安會城底特律根特機為眾部
適中之地會城法蘭富典尼西會城那實威彌斯西比大
河同名由此入海會城查基遜魯西阿安多環大河水常
泛溢海口新疴連凡上游各部洋船皆雲集於此會城巴
頓羅日音的阿那會城音的阿那波里伊理奈會城斯不
零費阿干薩會城力特落弥梭里大河全名可通海灣會
城渣法甸威士干心會城馬的孫衣呵華會城同名

本為土番所居道光十年密執安人遷徙漸成村落創
造部落炮台近年生齒日繁

得撒會城奧斯丁。

其地本為墨西哥曠土。迨後生齒漸繁。國勢日增。道光九年。叛墨西哥。設官守之。至道光三十年。屬米利堅。上加利福尼。俗名金山。會城薩克滿多。又有海口桑方西斯哥。

其地本為墨屬。道光三十年。屬米利堅。近則金銀蒼萃。諸國多來開礦。貿易頗盛。商賈雲集。

以上衆部外。西有五土。曰密尼素大。阿里顏。烏達新。墨西哥。其民未進諸部之內。又有土番。徙至落機山下。米人禁止出外。

土產五金。水銀。鉛。煤。鹽。木。烟。棉花。最富菓穀等。

墨西哥國志

墨西哥在北亞墨利加西南。緯線自赤道北十六度起。至三十三度止。經線自中華北京偏東二十六度起。至百五十三度止。東界海灣。西距太平洋。東南至危地馬拉。西北連米利堅。長三千八百里。廣狹不一。或二千四百里。或五百里。總計之。方二百五十万里。戶口約七百万。其地山嶺層巒。多有燄烟。晝夜不熄。通國之地。皆屬磽瘠。瀕海之區。勢卑而土曠。沙磧居多。間有沃壤。殊屬寥寥。花卉。洋藍。棉花。檳榔。香樹。凡百皆備。炎熱異常。瘴癘侵人。瘟疫流行。餘

則高原廣大氣候溫和游牧以萬億計衣食皆取給于此秋草枯白一經野燒輒數十百里火山甚多地震尤烈陵谷無常時多傾陷金銀寶石不可勝數各國所用番銀大半多出于此河之大者曰來的諾湖之大者曰沙巴拉民性矜莊分為三種一曰西班牙後裔甚為殷富服御奢靡錦衣駿馬遨遊都市一曰土人耕種為業飯餽茹草家多貧乏不飲酒者往往多壽一曰雜人白黑人嫁娶所生其話言文字稍異西班牙信奉天主教不知其非。

至于朝綱國不立君在古昔已自立為國城邑壇廟宮

闕殿署靡不建造肖物形而作字有律法地有發城為千餘年之遺跡時代名字悉湮沒而不可考明時西班牙人據之遷移國人至此入山鑿礦流布雜居生齒日繁歲得番銀十餘萬以此致富乾隆時米人叛英墨亦效尤不服西班牙相拒九載為西班牙克復甫一戰又叛立部人為王道光三年廢之各部擇官司理與米理堅衆部爭戰屢致撓敗故其屬土歸于米利堅而民因荒亂造乘不能自振。

通國分二十一部首曰墨西哥都城同名屋宇峻麗殿堂壯觀街衢方廣平直學塾醫院設立咸備山川清秀花草

繁茂風景雅絕間有狹衢穿舍穢汗殊甚人犯之即致病
又有海口名亞加補可昔盛今衰曰沙黎斯哥有城名瓜
達沙拉宮殿美麗工徒所萃曰瓜那赫阿多銀礦深富地
時猛震曰給勒打羅曰薩加德架曰濟華花曰都朗額曰
桑盧波多塞曰布委巴拉曰華沙加曰索諾拉曰濟阿白
曰委拉古盧斯東地之大埔頭建沙灘形勢闊敞無港澳
海船停泊時遭風擱瘴癘侵入貿易極盛會城皆同名曰
迷刷干有城名瓦拉多里曰卓哈回拉有城名撒的羅曰
新良有城名蒙德勒曰連毛黎巴有城名達比加曰達巴
斯哥有邑名哈摩薩曰下加里福尼有城名羅臘多曰達

斯加拉曰哥黎麻有城皆同名其二部為土人居處政由
酋出土產木料藥材香卉金銀為大利

中亞墨利加志

中亞墨利加在南北相連之處緯線自赤道北七度起至
二十二度止經線自中華北京偏東百五十度起至百六
十四度止東至加里比安海西南界太平洋北連墨西哥
灣長三千五百里廣或千里或二百五十里總計方五十
万里戶口二百餘萬地形狹而長隔于兩海之間中央山
脊高原橫以廣野火峯甚多地震尤烈又有湯泉瀑布之
地沿海之地低於東則平陸西則窪澤氣候互異低處酷

熱人多患瘧。高處平和。樹木暢茂。禽獸繁衍。湖河支派不一。河之大者曰烏薩馬由。三如俺湖之大者曰尼加拉瓜。左右海口最著。

居民分為三種。其一西班牙苗裔。其二土人。其三雜人。風俗言語畧與墨西哥同。貿易頗盛。技藝粗率。奉天主教。

至于朝綱。或庶黎各立官長。司理國政。或設土酋。或為英屬。以臣攝之。

通土分為九部。曰瓜地馬拉。首邑同名。往來貿易者不可勝紀。百貨駢集。曰薩瓦多。物產豐盛。首邑三維森。又有城

三迷給爾。每年設市。各部商賈至此。貿易薈萃。曰閱都拉斯。桃心木頗盛。鑛尤富足。首邑哥麻牙卦。海口曰荷慕阿。曰尼加拉瓜。中有大湖。與部同名。島嶼相間。首邑曰良昔。盛今衰。加拉那大為通商之地。

大英米利堅二國擬將此地。疏鑿海道。東西二洋混為一水。揚帆西行。直抵中國之東。甚屬便捷。

曰哥斯德里加。銀鑛昂貴。貿易頗盛。首邑曰三若西。曰非得拉土。地形窄小。商舶亦盛。首邑曰三薩瓦多。

以上六土。初屬西班牙。後與墨西哥叛。遂合于墨西哥國。至墨西哥廢王時。道光四年。乃自立。總名中亞墨利

加合衆部黎庶各官立長司理國政。其東北有三部曰于加單首城曰美里達海口曰堪比支其地本墨西哥之屬今則自為治理曰英之閩都拉斯首邑曰百里斯花卉鮮艷藍靛極多林木堅美英人入山伐之運于列邦英設大官駐劄司理政事曰莫斯及多地土酋自立為王賴英保護土產金銀珠寶香品木料等。

西印度群島志

西印度群島在南北亞墨利加之間由佛羅里達東北外環東南至委內瑞拉濱地居熱道之中氣候極熱海風可解火峯時迸裂地常震動暴風時驟樹物飄揚人屋俱患。

至于朝綱不設君位明時西班牙遣可倫波駕船尋亞西亞之印度望見群島以為抵印度遂名之曰西印度于是擇腴壤設埔頭市黑奴墾田播種農務漸興既而歐羅巴諸國接踵而來紛然爭奪各據群島西英佛荷連瑞典又有土酋自為主者至道光十五年英氏釋屬土之奴以銀千萬而饋其主自此英隨地奴僕俱無居民有三種一曰白人一曰黑人一曰雜人。

通島分四群大安的列小安的列巴哈馬百慕大其大安的列者一曰海地總計之十万方里戶口六十万沿海巉巖峭壁山嶺綿亘餘則平原坦廣河湖極多而小。

明時西班牙據其東佛朗西據其西市黑奴以供耕作年久繁衍佛待黑人寡恩黑人於乾隆五十六年殺其主以叛黑人自立一牧為國會城曰波德隣比其東西班牙人亦逃竄黑人亦推擇豪強者為官以理其事會城曰三多明各今二部時有戰爭。

一曰古巴南北百八十里東西二千五百里總計之方十四万五千里戶口九十万群島之最大者峯巒層疊河湖交錯滌泗其地賴以灌溉土脉膏腴物產豐饒所製之煙極香烈諸國爭購之。

鬻奴于此甚多明時西班牙據之迨得墨西哥秘魯無

暇治理遂為群盜所據西班牙人昔時視群島如敝屣近來藩國皆叛幸存此島珍重倍護倚為外府焉會城曰哈瓦那。

一曰波德里各島總計之十三万方里戶口六万山嶺綿亘地雖不廣物產極豐耕作皆白人黑奴稀少亦為西班牙屬首邑名桑若漢。

一曰牙賣加島總計之一万八千方里戶口三十八万峰巒聳翠溪間縱橫灌溉有資田上膏腴農功最盛地震凶烈。

按此島舊屬西班牙明末英人據之設大臣駐劄攝理

政事

首邑曰西班牙敦海口曰京敦為大埔頭貿易紛繁土產五金晶石煙糖藥材青黛木料棉菓

小安的列羣島其屬大英者二十有二其大者曰特尼答方六千七百里戶口六万首邑名波德西班牙曰多巴峩島方四百里戶口一万三千曰盧西亞方九百里戶口二万三千曰加拉拿大方五百里戶口二万八千曰聞森方四百里戶口二万七千曰巴巴多方五百五十里人民十二万郡為比日登英設大臣副員鄉官于此資理六島曰散給方二百餘里人民二万三千邑名巴斯的曰多米尼

加島方九百里人民二万二千有邑名綠索曰安地卦方三百五十里人民三万六千有邑名散約翰此外小島如蒙撒拉尼惟統歸安地卦大臣管轄兼有鄉官治理又撥兵戍守建邑造屋商賈紛繁貿易稱盛威森小島人民一万統歸散吉属于荷蘭七島方共二千五百里人民一万八千田土肥饒物產豐盈貿易臻盛百貨駢集

属于瑞典者巴多羅謬島方一百里人民一万五千林木極佳泊舟最穩貨物往来者甚少

属于噶國者有三島方六百七十里人民四万五千首曰三古盧斯土壤肥沃物產繁滋

属于佛朗西者其最大者馬的尼方一千里人民十二万
 曰瓜達鹿數島方二千里人民十二万八千山清水秀異
 鳥奇花不可名狀風景美麗為群嶋之最物產豐盈貿易
 極盛

百慕大群島在巴哈麻東北方七十里人民一万大小凡
 數百島中有散若尔島為大英所轄設有大臣副員鄉官
 駐劄

巴哈麻群島在古巴之北方一万五千里人民二万六千
 大小數百餘島最要者曰新不路威敦為大英統攝設大
 臣轄理百事首邑曰那掃天氣清和物產稀少英是以亦

不甚重也

新加拉那大國志

新加拉那大在南亞墨利加西北緯線自赤道南二度起
 至赤道北十二度止經線自中華北京偏東百六十三度
 起至百七十三度止東至委內瑞拉西枕太平洋南界厄
 瓜多北連加比利海長三千三百里廣一千八百里總計
 之方一百二十万里人民百五十万其地海濱山嶺重疊
 南北並列火峯時吐煙燄東方平原坦廣樹木稀少雨則
 游牧暢遂河之流支不一曰馬達勒那疴黎諾哥氣候迥
 殊沿海酷熱腹地温和

居民二類一為西班牙裔流寓好博耽安傾家不悔男女衣素伉儷最篤防閑婦女甚嚴一為土番性悍獷而陰狠技藝粗率貿易平常奉天主教

至于朝綱不設君位衆推官長司理政事明時西班牙可倫波尋覓新地先得斯土及厄瓜多委內瑞辣二處設總督駐劄嘉慶十五年部人逐西班牙守吏相持八載至二十三年西班牙不能克復此土及厄委二部遂併立為哥倫比國道光十年仍分為三各自占據不相統屬

通國分五部曰根的那馬加都城名波哥大建于高原一

水滌洞有橋可濟其洞天生曰膏加有城波巴也曰馬達里那首邑加大其那為海口也近有火山吐酸水醬逆流地有陰氣人觸之即斃曰波牙價首邑吞查曰義斯麻首邑曰巴拿馬為西方埔頭又有查機利為東方埔頭以一綫地界之濶僅百里

英米之人今將此地疏鑿海道船可通西東二洋揚帆西行直抵中國之東甚屬便捷又開旱路以火輪車可速通其間

土產五金水銀珠寶加非糖靛餅等物

厄瓜多國志

厄瓜多在南亞墨利加西北緯線自赤道南五度起至赤道北一度止經線自中華北京偏東百六十二度起至百七十四度止東至巴西西南界秘魯西連太平洋北接新加拉那大長一千里廣二千三百里方百有八万里人民約五十萬其外土人不能核數其地之西岡嶺重疊絡繹不絕火山羅列餘則高原曠野林稠草茂氣候溫和惟狂風迅烈霜霧迷濛過客經隘口遇之即斃河道不一為亞馬孫河支派

風俗教門民情國政大略與新加拉那大相同昔有大國名音加斯明時為西班牙所敗至今古跡甚多如有行路可通軍馬建于山谷高原盤石鑿臺河上有懸橋飛空橫駕山崖砍梯登以其邊又有深壑滿塞堅石天下之工莫大于此

地分三部曰厄瓜多首邑曰基多建山谷中地當赤道天氣和暖草木常青地震頻仍時有覆壓之虞通商之地義巴拉疇大瓦拉曰瓜亞基首邑同名為埔頭也曰阿索也首邑曰貫薩又有邑曰羅沙樹林稠密西醫士賴其皮可療瘡疾焉海中二千里有加拉巴哥羣島火山時吐時熄其地魚鱉蕃衍土產五金鹽煤木香藥材等

委內瑞拉國志

委內瑞拉在南亞墨利加北緯線自赤道北二度起至十二度止經線自中華北京偏東百七十一度起至偏西百七十四度止東至英之歪阿那西連新加拉那大南界巴西北枕加利比海長二千三百里廣二千一百里總計之方一百四十万里戶口六十万其地迤東南西北海濱三方山嶺錯雜餘皆廣野勢甚低淤潦時泛濫雨後百卉俱茁欣欣向榮游牧紛繁樹林罕見惟有希樹曰牛樹刺之汁流如乳民便于飲旱時一帶荒沙湖河不一湖曰瓦稜薩島嶼美麗曰馬拉該波河曰荷黎諾哥支派橫帶氣候殊異北濱炎熱南土溫和土田膾厚物產極豐禽獸充斥

鱗介蕃衍

風俗居民教門政事與新加拉那大無異

地分十三部曰加拉架都城全名建山谷中地常震動時有覆壓之虞海口名拉瓜拉曰馬拉該波曰哥羅曰巴及西米多曰都西羅曰美黎達曰瓦黎那曰巴塞羅那曰古麻那會城皆同名曰瓜斯那會城名安荷都拉貿易薈萃曰馬加黎大會城名阿森森曰亞不勒會城名阿查瓜曰加拉波會城名瓦稜薩土產五金藥材木料靛膠糖煙棉牲畜海牛鱷魚大蛇發電氣鱔等

歪阿那志

歪阿那在南亞墨利加之北緯線自赤道北二度起至八度止經線自中華北京偏西百六十九度起至百七十七度止東南界巴西西連委內瑞拉北至大西洋長二千里廣二千八百里總計之方四十五万里戶口二十二万土番不能偏核也大河環繞潑泗曰白比斯的密拉愛斯及波馬羅尼

其地山石上鑄花字其時其人俱不可知意必上古之民所刻也

至于朝綱通地属于佛荷英各設官駐劄英亦有鄉官會議政事嘉慶時通地英取而有之後眾國會議東西

二都再歸佛荷

其東土曰佛歪阿那地力荒蕪人烟寥落叢林密菁瘴氣最毒佛嘗屢次遷徙其地欲導土人奈入其地者輒染病而死泊所穩便商旅往來者殊寡都城曰加夜那曰荷歪阿那在水澤之中林內多逃遁黑奴与土番結為黨援藉滋事端泊所寬廣都城曰巴拉馬利波曰英歪阿那為最沿河塗泥淤塞瘴癘侵人估客雲集貿易頗盛內則高原田土肥沃草木花卉爭妍競茂氣候濕熱都城曰若日登土產白糖加非棉花香料荳蔻胡椒药材等

巴西國志

巴西在南亞墨利加之東緯線自赤道北四度起至赤道南三十度止經線自中華北京偏西百五十一度起至偏東百七十二度止東趾大西洋西界新加拉那大秘魯玻利非烏拉乖等北連大西洋歪阿那長八千七百里廣八千里總計之方八百五十万里戶口六百万其地西与北勢卑下而地甚廣草木稠密東与南岡陵紛錯高原坦濶江河支派橫流最大者曰亞馬孫口門似海多干丁方濟各巴拉水溢平地水退地露樹林茂盛湖泊甚多氣候不一高處溫和濱海低處酷熱人多壽考亦鮮疾病田土肥饒地利厚其百穀皆宜農作不力已墾之土不過十之三

四餘則蓬蒿雜選林莽陰翳奇形之獸不知名之鳥怪異之蟲蛇飛走出沒於林之間晝寂夜喧

居民種類曰葡人雜人黑人多自阿非利加掠至葡官背約不之禁技藝平庸貿易日盛所奉天主教

至于朝綱設有君位古為土番無君長書籍亦無衣冠或散或聚靡有定所喜啖人肉後稍歸化頗知人理明時葡萄牙人探得其地徙國人闢而居之後為荷蘭奪取占據五十餘年為葡萄牙驅逐培植稼穡市阿非黑奴用之相傳二百餘年遂為海西大部嘉慶間葡萄牙王冊立其子為巴西王國之貴人相助為理由是別為

海西大國不屬於葡萄牙。

地分十九部其濱海者十五曰來約熱內盧會城全名本國之京都也宮殿巍峩街市富麗學塾醫院畢備百貨駢臻海口廣濶風景清美商旅羨為樂土船舶蟻集為大埔頭曰巴希亞曰馬拉旱地多雨產鑽石曰巴拉曰伯能不各曰三寶羅曰塞勒其貝曰阿拉疴瓦曰巴拉希巴曰西拉會城全名曰加達里納會城名德斯德羅曰斯比黎多會城名維多里曰北哥蘭會城名那達曰南哥蘭會城名阿里幾曰標意會城名河臘斯其內地者四曰若西會城名巴拉曰各老所會城名比拉曰哥牙斯會城名波阿曰

其來會城名列加其通商衝繁之地曰來約熱內盧巴希亞馬拉旱巴拉伯能不各其外數島大者曰若安尼土產棉煙香木皮葯材又產鍬金沙寶石鑽石其富膠樹油靛鹽

秘魯國志

秘魯在南亞利墨加之西緯線自赤道南四度起至二十二度止經線自中華北京偏東百六十二度起至百七十六度止東界巴西玻里非西南距太平洋北連厄瓜多長五千餘里迤北廣二千里迤南三百里總計之方一百七十七萬里戶口一百五十萬其地西方山嶺峻絕冰雪凝積

人獸上過覺氣最稀中者輒死山之西浮沙浸海總屬不毛終歲無雨山之東平原寬廣霖雨不止河資灌溉樹木叢密逶迤至未悉之區氣候互異山谷平和沿海燥熱嶺上寒冽平陸溫濕地震尤烈常有迸裂無遺者田土少有肥饒農事多荒恒苦饑饉

居民分二類一曰土人一曰雜人溫藹可親耽逸樂好博奕事皆倩他國人代為之技藝平庸貿易蕭條奉天主教

至于朝綱不設君位庶民自立官長宰理國政按國舊與玻厄合為一國土民所建明時西班牙既得可倫比

聞秘魯寶藏甚富是以不憚心力不顧險阻冒危忍飢孤軍深入而據之由是群來攻鑛生齒日繁設立總督駐劄鑄金銀益國用嘉慶十三年西班牙屬國多叛秘魯欲叛畏其強猶豫不決道光元年與智利合兵逐西班牙守土之吏自立為國不歸統屬推擇長官理事然恒作亂

通國分為七部北曰利馬都城同名建于理馬各河濱周三十餘里街衢方直屋宇宏敞殿堂宮室峻麗華美惟地震頻仍時興時敗又有城加勞為海口也曰入寧會城名花奴谷有城曰巴斯哥銀鑛最富曰利卑達會城都西羅

有城曰加薩馬加于此土君被西所擒戮南曰阿勒基巴
火山高二千丈海口牙利加曰不諾古斯各會城皆全名
曰阿牙古說會城名花忙牙以上數土皆為通商之地土
產金銀水銀最富胡椒糖棉葯膠香顏料

玻里非國志

玻里非在亞墨利加之中緯線自赤道南九度起至二十
六度止經線自中華北京偏東百七十四度起至偏西百
七十三度止東北至巴西西連秘魯太平洋南界拉巴拉
他長二千五百里廣一千七百里總計之方百三十五萬
里戶口一百万其地東方峭壁參天冰雪凝積其西方崇

山峻嶺火峰不熄間有高原曠遠曰得薩瓜得羅山東漸
斜于長野草木稠密河流足資灌溉其西濱海一帶沙土
居多艱于行河湖不一河之大者曰亞馬孫曰巴拉他
水汜橫流湖之大者曰低低加加島嶼甚多高于海面一
千三百丈曰奧拉牙有羊能載物如馬其毛甚細堪織為
衣肉亦可食有鳥似火形其狀甚巨高翔空際

居民數種氣候風俗教門同于秘魯

至于朝綱不設君位按國舊与秘魯為一國道光三年
乃分為二別立玻里非亞國自立官長同理政事

部分為五曰朱基沙加都城全名建于高原曰拉巴斯曰

波多西近有名山產銀甚夥各處疏鑿其城殿堂屋宇至今猶存之曰哥沙邦巴首城皆同名曰古盧斯首城曰路零索土產五金惟銀尤富皮毛胡榭糖葯膠香顏料等

巴拉圭國志

巴拉圭在南亞墨利加之中緯線自赤道南二十度起至二十七度半止經線自中華北京偏西百七十一度起至百七十五度止東北至巴西西南界拉巴拉他長一千七百里廣六百里總計之方二十七万里戶口二十五万其地岡陵稀少平原坦廣拉巴拉他河支派分歧環流三面商舶往來悉從此道雨時湖河漲溢積久不消水退土淤

多成沃壤氣候溫和樹木叢茂禽獸蕃衍

居民有三種一西班牙裔一土人一黑人技藝粗率貿易蕭條奉天主教

至于朝綱首長統攝明時以大利開墾此土後為西班牙所據不立官長以天主教師統轄之乾隆三十二年逐教師附拉巴拉他迨西班牙舊轄皆叛時此地亦自立焉適值西洋文士居于此衆推之為長陰鷲有權畧詰暴除邪土人惕服國雖小而甚強鄰境不敢侵

地分八部首曰阿松桑都城同名乃京都也公塞桑三的牙疴維拉列加古魯圭的干德拉畧非難多黑曼其達昔

盛今衰土產穀菓靛煙棉密蠟茶

烏拉乖國志

烏拉乖在南亞墨利加東緯線自赤道南三十度起至三十五度止經線自中華北京偏西百六十九度起至百七十四度止東南至大西洋西界拉拉他北接巴西長廣均一千一百里總計之方二十五万里戶口十二万其地南方山阜絡繹北方平原坦廣河道縱橫田土肥沃氣候和平

居民多愚不知學文技藝平庸貿易蕭條專事游牧奉天主教

至于朝綱庶民自立官長司理政事按國舊為拉拉他地後為巴西所奪立為一部道光七年部人叛巴西自立為國擇官司理近為把巴拉他時來攻伐幸大英佛朗西兵船保護又有暹國之兵克敵平定

地分九部曰蒙德維的乃京都也又曰馬多那多曰加內羅曰桑若塞曰哥羅尼曰索尼亞奴曰皇都曰都拉各奴土產豐饒禽獸鱗介充斥

拉巴拉他國志

拉巴拉他在南亞墨利加之南緯線自赤道南二十二度起至四十一度止經線自中華北京偏東百七十四度起

至偏西百六十九度止東界巴拉圭烏拉圭大西洋西至智利南接巴他峩尼北連玻里非長四千五百里廣約一千七百里總計之方三百万里戶口稀少大約百万其地西北山嶺重叠絡繹參差其餘寥濶平坦雨澤既降花卉鮮艷游牧甚多亢陽之際荆棘叢生草莽蕪雜沙磧無垠冬則水勢汪洋夏則白鹽遍地河之大者曰巴拉他支派尼鄂哥羅拉多依時河水泛濫淤湖甚廣其後常旱均為大害氣候不一温和居多平原濕熱嶺上嚴寒冰雹淋漓狂風驟至黑瘴黃霾

居民二種一土人一西班牙苗裔不重農務好歌舞博

奕騎射善捕牲畜以万億計售皮角為生其地亦出茶葉飲之者醉而不醒技藝平庸貿易殊盛通商甚廣奉天主教

至于朝綱不設君位衆推長官司理國政按國舊為野番部落明時西班牙據之設總督駐劄嘉慶十三年西班牙藩屬多不受節制此地亦逐守土吏自立為國倣米利堅之制兼攝合衆然法度不立規模草創總領擅權黎民勞苦与米利堅大異焉近有一軍擅權立兵四方相戰使民作亂國人借兵於鄰國敵敗逃于英國地分十四部首曰不空塞利會城同名建于河濱城池堅

固街衢濶直衙署華煥宮室峻麗天主堂義塾演武廳以及各館無不備具爲天下至方至直之區河面廣九十里通海口爲西洋大埔頭曰音德里約首城巴沙大曰哥連德曰三非曰哥多瓦曰三的牙哥曰都古曼曰薩達曰加達馬架曰里約倭曰桑若安曰桑盧義曰門多薩首城皆同名曰味西桑首城名哥路斯土產穀果金石角皮鱗介馬牛羊不可勝數

智利國志

智利在南亞墨利加西南緯線自赤道南二十五度起至四十二度止經線自中華北京偏東百七十二度起至百

七十四度止東隣拉巴拉他西南距太平洋北至玻里非亞長三千五百里廣四百里總計之方五十七万里戶口百五十萬其地東方高嶺參天冰雪凝積雪消若河支派分流餘時惟三四河終歲長流火峯不一地震頻仍視爲常事震時鳴鑼俾衆遷居後則仍歸故土內地平原廣濶邱陵稀疎氣候溫和北方雨澤稀少樹木蕭疎南方卑濕樹林茂盛土田膏腴穀果皆備

居民二種一西班牙裔在北與中土人居其南游牧爲最攻鑛務農好接旅客其女專事作樂彈琴容儀風雅技藝粗率貿易極盛通商甚廣奉天主教

至于朝綱不設君位庶民自立官長司理國政按國初
与秘魯同一君迨西班牙據秘魯進攻智利土人拒不
肯降越四載復攻得地無幾附于秘魯乾隆三十八年
西班牙初滅智利得全土惟阿老十一部未附嘉慶十
五年諸藩屬皆叛西班牙智利欲擁土自擅度力不支
求援於拉巴拉他助以兵力始得自立

地分八部曰三的牙河都城同名建于岸街衢方直屋宇
峻麗宮闕殿堂極爲華美洵一時之鉅觀也海口有瓦巴
勒索爲西方之大埔頭商賈薈萃于此鬻獸皮五金穀果
曰阿公加瓜首城曰非利比曰哥今波首城同名曰哥乍

瓜首城非難多曰甲勒首城離京曰公塞桑首城同名瓦
的維首城同名曰濟盧哀其餘海島港汊甚多土產麵麻
金石惟銅最富牲畜蕃息

巴他我尼志

巴他我尼南亞墨利加極南緯線自赤道南三十九度起
至四十四度止經線自中華北京偏西百七十八度起至
偏東百六十八度止東距大西洋西界太平洋南至南冰
洋北連拉巴拉他長三千五百里廣八百里其地西方山
巒重疊聯絡不斷火峯甚多吐燄不熄樹林周密餘皆平
原曠野沙磧荒蕪氣候嚴寒別無物產

人皆野番。身高力大。無衣無褐。不冠不履。畋獵為食。居無常處。不成部落。亦不與他國往來。

其極南臨海之地。冰雪常凝。對峙數島。大者曰鏡府。依勾中有一峽。曰麥折倫。昔時商船往西行。多由麥折倫峽。近因峽內多礁。率取道於南方。山嶺險峻。狂風迅烈。霧露迷離。雨雪時行。波濤猛惡。舟過人皆野番。為天下之最愚者。島中時見火漿迸流。罕有人至。不知其詳。其西有小島。不可勝數。東有二島。曰發哥蘭。英人據之。設官駐劄。草木叢密。多為游牧之地。牲畜蕃蔗。首城曰波盧義斯。埔頭最盛。舟過州南。即進此道。土產無幾。地理全志卷之四終。

